
*Acta classis generalis, habitae in Beilen 23 Martij
anno 1603.*

Dewile im negestgeholdenem classe tho Assen enige saken verbleven, de noch geexequeret sollen werden und dartho der wollgebor. h. WILHELM LODWIG, graff tho Nassaw unser g. h. stadtholder, sijne autoriteit nott-wendiglick hefft sollen adhiberenn, averst S. G. erstesdages tho felde wert trecken, hefft derhalven S. G. gelevet einen classem generalem extraordinariam in dem dorp Beilen tho holden, uth tho schriven und darhen tho directie und expeditie der saken gesonden und gecommitteret dominum JOACHIMUM WERNERUM und dominum JOANNEM ACRONIUM, beide prediger binnen Gronning., und en dese nafolgende commission mitgedelet, alsus ludende:

1) Alle onderteekeningen zijn eigenhandig.

WILHELM LODWIG, grave tho Nassaw, Catzenelnbogen, Vianden end Dietz, here tho Bilstein, stadtholder end capitein generall in Friesslandt, stadt Gronningen ende Ommelanden, Drente doen kundt und tho weten, dat wij hebben gecommitteret end geautorisert, gelick wij committeren ende autoriseeren mitsdesen JOACHIMUM WARMERUM ende JOANNEM ACRONIUM, dieneren des godtliken worts binnen Gronningen, omme sick tegens den 21 deses tho transporteren in den dorpe Beilen, ende die aldaer angestembde classicale vergaederinge mit goeden radt end beleidinge in alles, niet uthgesondert, tho assisteren, solcks als sie voor den mesten dienst der kercken Godes befinden sullen tho behoeren. Ordoneren darumme allen predigers, so up de vorschreven vergaderinge sullen verschinen, ock allen anderen, diet angaen mach, den vorschreven WARMERO end ACRONIO behorlick als unse gecommitterde in alles te respecteren end ock des noot, die dar den welstandt der kercken des vereischt end sie begehren, ernstlick verstaen end obedierenn. Des tho orkunde hebben wij dese met onse handt und segell befestigt. Datum Lewarden den 15 Mart. 1603. Loco sigilli 1).

Under stundt: WILHELM LUDWIG, graff zu Nassaw.

1. Hirup sindt erschienen de nafolgende prediger der landtschap Drente benevens die upgemelte gecommitterde:

JOHANNES DE BEVEREN, pastor tho Coverden,
 JOACHIMUS Zoor, pastoer tho Anloo,
 HERMANNUS BREDEWEG, pastoer tho Schonebeck,
 JOHANNES DE BRUN, pastoer tho Elde,
 GERHARDUS GEORGH, pastoer tho Westerborck,
 EVERHARDUS JOHANNIS, pastoer tho Meppell,
 HENRICUS BOKELMANNUS, pastor tho Ruinen,
 LEO BONNENS, pastoer tho Cokange,
 HERMANNUS SWOLENSIS, pastor tho Sleen,
 WIGBOLDUS MONTANUS, pastor tho Ohrem,
 ALBERTUS DUITERUS, pastor tho Rosswinckell,
 UDO A DOSBORCH, pastoer tho Sweell,
 EILARDUS HUISMAN, pastoer tho Friess,
 WILHELMUS MARCI, pastoer tho Gethien und Gasselt,
 LUCAS LANGIUS, pastoer tho Deverenn,
 ADOLPHUS BESTEN, pastoer tho Wapsterfeenn.

Absentes:

HINRICUS MEINARDI, pastor tho Niefeen,

1) Onder „loco sigilli” staat met een cirkel de plaats aangewezen voor het zegel.

JOHANNES MERANUS, pastor tho Colderfeen,
 MELCHIOR ARHNEM, pastor tho Bliensteenn,
 STEPHANUS NICOLAI, pastoer tho Havelt,
 GERHARDUS MULERT, pastoer tho Fledder,
 ALEXANDER TILEKING, pastor tho Borger,
 AEGIDIUS JOHANNIS, pastor tho Dwingell,
 JOHANNES NIRSEN, pastoer tho Suidtwolde,
 BERNHARDUS JOHANNIS, pastor tho Norch,
 WILHELMUS HEMMINGIUS, pastor tho Peisse.

2. Und ist demnach der wollg. dominus JOACHIMUS WARMERUS dorch meerder stemmen thom praesidem verordnet, de alsobalde dat examen doctrinae angefangen hefft, denwelcken sick understellet hebben na vermoege der resolution im jungesten classe: dominus UDO à DOSBORCH, ALBERTUS DUITERUS, WIGBOLDUS MONTANUS und EILARDUS HUISMAN, bij welckeren HERMANNUS SWOLLENSIS is gefoget bij provisie, darumme dat met em noch ein ander sake hirna verhandelt soll werdenn.

3. Thom scribam deses classis ist met einhelligen stemmen avermals erwehlet JOACHIMUS Zoor, pastoer tho Anloo.

Sessio pomeridiana.

1. Ist dat examen geendiget, darvon dat judicium herna folget. Demnach hefft LEO BONNENS, itzt tho Cokange thom prediger beropen, sick dem classi presentert. Ist tucheniss gehort von sijnem examine, welckes classis Meppelensis am vergangenem winter hefft verrichtet. Und als up siner lehr und leven kein upsprake gefallen, is he thom prediger in deser landtschap geapprobert und thogelatenn.

2. Gelickfals hefft WILHELMUS MARTII sin getuchniß van sin gemeinte und classe tho Loppersum samt beroping tho Gethen und Gasselt desern classi verthonet. Sint deselvige vor gudt erkandt und he thom prediger deser landtschap angenahmen wordenn.

Sessio 3, 24 Martij.

3. In censura morum HENRICI BOKELMANNI is itzundes aver sijne person nictes vorgebracht, dat tho straffen is, dan dat he sick nu woll und sober holden solde, soveell den jegenwardigen predigern bekindt. Dennoch is vormoge der resolution, am negest tho Assen aver HENRICUM ergangen, avermals domino EVERHARDO JOHANNIS tho Meppell und MELCHIOR ARHNEM tho Blidenstein belastet twischen nu und Meij bij der gemeine tho Ruinen presentlick informatie tho nemen, und wadt se darsulvest befinden, em BOKELMANNO up den sijnodum tho Gronningen tho bringen mededeelenn.

4. Dewile GERHARDUS GEORGII, pastor tho Westerborck, van dem classe begehret em vergunnet tho werden na einer anderen condition tho staende, nachdem sijne itzige gelegenheit tho Westerborck wegen sijner betaling also gestalt, dat he de gemente nicht woll met stichtinge kan bedenem, so hebben em de broderen des classis solckes gerne und willichlick concederet und folgen lathenn.

5. HERMANNUS ALERS SWOLLENSIS, pastor tho Sleen, hefft leider unlangst einen nederschlag geperpetrert tho Deveren, ist overst deses unangesehen hirbevor thom predigampt in Drente thogelathen, darumme dat hij ock na ludt sijner getuchnisse, van den schultus tho Deveren uthgebracht, eine notdwehr solde gedahn hebbenn. Hirjegen overst ordelt dat ministerium tho Lewerden, dat he oft ein solcker geenn prediger sijn moge, welckerem judicio unser g. h. stadtholder itzt acquiesceret, idt wehre dan dat de prediger in Drenthe HERMANNUM kennende darjegen erhefflike reden allegerenn konden.

So is hirvan in classe riplick und met bekummerniss gedelibereret und hebben enige predigers jegenwordich, so domals in Drente gewohnet, als HERMANNUS dit ungluck begangen, verklaret bestendiglick gehoret tho hebben, dat idt eine nothwehr solde gewest sijn. Ock betugen sijne benaberden prediger, dat he bij den huissluden tho Sleen woll geleden is, also dat de classis ein grot mitliden met HERMANNO hefft gedragenn. Ansende dennoch sijn factum hebben de predigeren deses classis gesloten, dat umme alle swevende ergernissen van der kercken aff tho wenden obgemelter HERMANNUS ALERS nicht moge ein prediger sijn noch in sijnen denst tho Sleen continueren. Averst dewile he soll notwehr gedahn hebbenn und schinet darvan ein grot leetwesen tho hebbenn, wij ock sonst_ verhopem, dat he beneven desen eines framen gemotes sij, darmit he dan nicht gantz an bedelstaff gewiset und tho vertwifelung gebracht werde, ordelt de classis, dat nachdem doch sonst veele leddige papen in dese provincien gevodet werden, derhalven S. G. underdeniglick und flitiglick tho versoken sij, dat upgemeltem HERMANNO ein tolerabell underholt in der landtschap Drente offte sonst mochte gegeben werdenn.

6. Nachdem UDO à DOSBORCH tho Sweelen, ALBERTUS DUITERUS tho Rosswinckell, WIGBOLDUS MONTANUS tho Odoren und EILARDUS HUISMAN tho Friess pastoren, vernoge S. G. und jungster classicalen resolution avermals dem examini doctrinae sint understellet, so hefft de itzige classis tho Beilen folgende einhellige advis und ordell over se besloten und uthgesproken, als nemlick dat se in dem examine doctrinae so ovell bestanden, dat de classis se thom predigampt nicht hefft gudtkennen

und tholaten konen. Overst updat men dennoch allewege se und der kereken tho helpen soken mochte, is en upgelecht ein jeder vor desem classe eine predig tho dhon, dat daruth van ehrer qualiteit naerder mochte geordelt werden.

Verklaret de classis, dat Udo à DOSBORCH met sijner predige dem classis enige hopeninge gegeven, dat he dem schlichtem volcke met sijner lehre konde nutlick sijn, wen he Gades wort flitig studeren und sine predigenn darna fruchtbarlick anstellen worde. Achtet also de classis, dewile he doch up eine geringe platze steit, dat he solde mogen gecontinueret werden. Jedoch wen he anders worhen worde beropen, oft ock sonst mochte bij dem classe twifelhaftich sijn, oft he in solckem studeren sick ock ovede, soll he schuldig sin jeder tidt up erforderung sick einen nien examini tho underwerpen.

Datsulvige hefft ock de classis geordelt van ALBERTO DUITERO. Und WIGBOLDUS MONTANUS soll uth befell deses classis gehalten sin erstesdages eine predige vor dem ministerio tho Gronningen tho dhon, und wofern aldaer solcks wort gutbefunden, sall desen beiden vorigen gelickgestelt werdenn.

Von EILARDO HUISMAN ordelt de classis, dat he umme reden van sinen denst tho Friess affsthan sall und an einen anderen ort deser lantschap met approbation der classen gepromoveret werden, jedoch dat he ock beter studeren sall und up erforderung dem examini sick undergeven, dar idt van den classen nodich erachtet wert.

7. LUCAE LANGIO ist uperlecht van dem classe sijne testimonia examinis, vitae et morum up der negestkumpstigen versamlung in tho brengen, welckes he tho doende hefft angelovet.

8. Dewile JOHANNI MERANO, pastori tho Colderfeenn, nicht allein in jungster visitation sonder ock in lestgeholdenen classe tho Assen vermoge S. G. resolution expresse belastet is, dat he binnen verlop einer maente soll testimonium pleni examinis van Kampen uthbringen und S. G. behanden sub poena suspensionis, averst upgemelter MERANUS bethero desen gantzen winter over darinne nictes gedahn und S. G. gefrustrert, soll he in krafft deses und vermoge graffl. commission van sijnen denst tho Colderfeen datlick gesuspendert sijn bedt up S. G. widere decision, darna he sick tho richtenn.

9. HENRICUS MEINARDI was gehalten vermoge S. G. resolution nie und betere testimonia sijnes intrits im kerekendenst, alse de he a classe Sijlvana hefft, im negestgeholdenen classe tho Assen in tho brengen. Dewile he averst datsulve bethero nicht gedahn, ock bij S. G. sick nicht gepresentert, sonder sodahne testimonia noch billick verwachtet werden,

so sall he hirmit van sijnen denst tho Niefeen datlick gesuspendert sijn, bedt solange he up negestkumpstigen sijnodo tho Gronningen (dar oek de deputerde prediger deser landtschap erschienen werden) sick verantworden under wider bescheidt erlangen wert, darna he sick tho richten.

10. JODOCUS VOSSIUS hefft begehret ein extract uth desen protocoll, wadt im jungsten classe tho Assen sick met em thogedragen, welckes de itzige classis em geconsentert hefft, pag. 33 art. 7 1).

11. JOHAN KREMER soll vermoge jungestgeholdenen classis resolution und anschriuen der h. Gedeput. sick aller schollbedeninge in der landtschop Drente gentslick entholden. Pronunt. Beilen in classe, den 24 Martij anno 1603.

12. De huissluden tho Beilen sollen JOHANNEN SEDINUM continueren bedt up kumpstigen Meij, und dat S. G. widers darin disponeret.

13. JOHANNES TERMATE sall bij verlust sijnes denstes up ankumpstigen classen den 4 Aprilis erschienen tho Meppell und vermahnet werden thom lestenmall sick vor drunckenschap tho wachten, und soferne he solcke vermaning nicht nakumt, de facto sijnes denstes entlediget sijn.

14. De 3 classen sollen erstlick versamen den 4 April. negestkumpstich, dar oek van den gravaminibus, so up anstaenden sijnodum tho Gronningen uth diesen classen ingebrocht mochten werden, sall gehandelt wordenn.

15. M. HERMANNUS RENNECHERUS soll ex judicio classis den tho Rolde dorch dominum JOACHIMUM WERMERUM und dominum JOHANNEM ACRONIUM thom prediger vorgestellet werdenn.

16. Uth krafft [S.] G. commission wert allen predigern der landtschap Drente ordineret mit den festdagen tho holden sick tho reguleren na dem 30 artikell der kerekenordnung, oft sollen de contraventores darup ernstlick angesehen worden.

17. De schollmester tho Swelen wert hirmit vermahnet, dat he sick der pachterien van nu aff entschlahe, oft so he datsulvige nicht dhon worde, sall der pastor solckes up negestkumpstigen classen tho Emmen inbringen, darup dan van entsettinge uth sijnen scholldenst sall gehandelt worden.

Sessio 4, 25 Martij.

1. HINRICUS PETREJUS hefft versocht dorch verschrivinge van S. G. enige attestatie bij desem classe, met welcker he tho Swolle doceren

1) Zie bl. 42 sub 7.

mochte, dat idt falsch sij, welck von em gesprengt, dat he nicht alleine van dem ministerio afgesettet sonder ock uth dem lande verwiset und ehrlos gemaket, item dat he in Drente einen dodtschlag begangen und der Ubiquistischen lehre verwant sij.

Darup de classis einhelllick gestemmet, dat em solle uth den acten des protocols der classen deser landtschap und sonst dit nafolgende getuchniss mitgedelet werden:

Copia resolutionis illustriss. domini principis in negotio

HENRICI PETREI.

S. G. gehort hebbende het rapport der h. gecommitt. van harer visitation ende gesehen de requeste ende stucken, beide bij den prediger HENRICO PETREO ende JOHANNE JODOCI schollm. avergegeven, ende befonden dat gedurende de suspensie haere underlinge questie und twist nicht allene nicht vermindert is, maer hoe langer soe mehr wasset ende thonnimt, in voegen dat sowoll de prediger als schollm. bij de gemeinte van Beilen met keine stichtinge langer konen verbliven, ordonnert den verschr. prediger und schollm. sick von nu vortan van hare kercken ende scholdenst respective tho entholden, lastende oversolcks de kerekvogeden aldaer sick tuschen dit ende Maio erstkomende van einem anderen erfahren und well gequalificerden prediger ende schollm. tho versien. Aldus gedahn tho Gronning. den 13 Octob. anno 1602.

Hirbeneven verklaret de classis unwarhafftich tho sijn, dat HENRICUS PETREJUS in universum à ministerio ecclesiae afgesettet sij ofte des landes verwiset und ehrlos gemaket sij, ock dat he in Drente keinen dodtschlag solde gedahn hebben. Wet ock de classis anders nicht, als dat he der reinen lehre thogedahn is. Act. Beilen 25 Mart. anno 1603.

2. Dewile ock S. G. an de gecommitt. van Gronning. up desen classem erschienen hefft geschreven, dat men van bestellinge eines sollicitatoris oft advocaten der pastoren und geistliken guderen in Drente sick solde beratschlagen und darvan S. G. refereren, so hefft de classis gutgefunden, dat ein gemein request im namen aller prediger up Drente nu datlick an de E. V. h. Staten Generall soll verferdiget werden, darin de not der prediger und bese thostandt, de idt met den geistliken goderen in Drente hefft, ehre E. V. grundtlick vorgestellet und gebeden worden, dat CARST VAN LINGEN, wesende der Reformerden religion und den predigeren thogedahn, van ehre E. V. mochte commission gegeben werden umme de olde registeren van den geistliken guderen in Drente, waer de mochten tho bekamen sijn, in tho vorderen na inholt der commissie, em albereits darvon van S. G. gegeben, und deselve guder, dar se verdustert ofte missbruket, an tho spreken und met rechte tho verdedigen,

darmit se tho underholding der prediger, kercken und scholen und also vorts tho rechtem gebruke angewendet mochten werden, darup den ock ferner gude ordnung gemaket mochte werden, dat ein itlick prediger in Drente ein ehrlick underholt uth denselvigen guderen unweierlick und ahne moie gestadet worde. Darbij ock in specie geaccorderet is, dat de schultus tho Borger solle von dem classe an S. G. gerecommendert worden, dat he uth den averigen, darvan ob steit, ein nottrufftich stipendium vor sijne beide sohns erlangen moge. dat ock de itzige gecommitt. wegen der predigere in Drente bij S. G. wollen uthbringen eine vorschrift an de E. h. Staten Generall, dardorch dit gude werck mochte gepromoveret worden.

3. Up negestkumpstigen sijnodum tho erschienen sint gedeputert: ex classe Meppelensi dominus EVERHARDUS JOHANNIS, ex Emmensi HERMANNUS Schonebeek, ex Roldensi JOACHIMUS ZOR, de sick darhen jegen den 1 Mandach im Maio erfogen sollen.

In fidem et confirmationem suprascriptorum man. prop. sst.:

JOACHIMUS WERMERUS, praeses classis.

JOHANNES ACRONIUS, prediger der stadt Gron., ab illustr. D. proprincipe ad hanc classem deputati.

EVERHARDUS JOHANNIS CAMPIUS, pastor in Meppell.

JOANNES DE BEVEREN, attestor ut pastor in Coverden.

HENRICUS BOKELMANNUS, ecclesiastes in Runen.

JOACHIMUS ZOR, verbi divini minister, scriba hujus conventus.

HERMANNUS BREDEWECH, prediger in Schonebeek.

GERADUS GEORGII, predekandt toe Westerburch.

JOANNIS DE BRUINE, predicandt tho Eelde.

WILHELMUS MARCI, bedender des h. godtlicken wordes in Geeten und Gasslen.

WIBBOLDUS MONTANUS, pastor to Oderen.

ALBERTUS DWITERUS, pastor up Roswinckel.

UDO à DOESZBORCH, praediger tSwell.

LEWO BONNENS, predicant tot Kocangen.

LUCAS à LANGEN, dienaer Jesu Christi in den evangelio tot Dieveren.

ADOLPHUS BESTEN, prediger tot Wapsterveen.

EILARDUS HUISMAN, pastor to Freiss 1).

1) Al deze onderteekeningen zijn eigenhandig.